

Bosna i Hercegovina
Federacija Bosne i Hercegovine
Zeničko-dobojski kanton
OPĆINA VAREŠ
OPĆINSKI NAČELNIK



Broj: 02-1412/17
Vareš, 14.11. 2017. godine

Na osnovu člana 70. stav (1) Zakona o javnim nabavkama Bosne i Hercegovine ("Službeni glasnik BiH", br. 39/14), člana 96. Statuta Općine Vareš (prečišćeni tekst), broj: 01-162/12 od 11. 09.2012. godine i preporuke Komisije za javne nabavke konstatirane u Zapisnika o pregledu i ocjeni ponude od 14.11.2017. godine, Općinski načelnik, d o n o s i:

ODLUKU

o dodjeli ugovora u Pregovaračkom postupku bez objave obavještenja o nabavci

Član 1.

Prihvata se preporuka Komisije za javne nabavke od 14.11.2017. godine i godine i Ugovor o javnoj nabavci za "Izvođenje radova na izgradnji vodovoda Pogar-II faza", dodjeljuje se ponuđaču "Javnom komunalnom preduzeću" d.o.o. Vareš sa cijenom 99.797,69 KM (cijena sa PDV-om), odnosno 85.297,17 KM (cijena bez PDV-a).

Član 2.

Ova Odluka objavit će se na web stranici Općine Vareš (www.vares.info), istovremeno sa upućivanjem iste izabranom ponuđaču, u skladu sa članom 70. stav. (6). Zakona o javnim nabavkama BiH.

Član 3.

Odluka stupa na snagu danom donošenja.

O b r a z l o ž e n j e

Ugovorni organ je pokrenuo Pregovarački postupak bez objave obavještenja, broj 02-1368/17 od 09.11.2017. godine za "Izvođenje radova na izgradnji vodovoda pogar-II faza" u skladu sa članom 21. stav (1) točka c) Zakona o javnim nabavkama BiH.

Pregovarački postupak je vođen sa ponuđačem "Javno komunalno preduzeće" d.o.o. Vareš u skladu sa 9. Zakona o komunalnim djelatnostima ("Službene novine Zeničko-dobojskog kantona", broj 17/08) i u skladu sa članom 4. Općinske odluke o vodovodu i kanalizaciji br.01-101/10 od 05.05.2010. godine kojom je propisano da građenje, upravljanje i korištenje objekata i postrojenja za javno snabdijevanje vodom za piće (u daljnjem tekstu: javni vodovod), odnosno objekata i postrojenja za odvođenje i prečišćavanje otpadnih voda i odvođenje atmosferskih voda (u daljnjem tekstu: javna kanalizacija) vrši Javno komunalno preduzeće d.o.o Vareš kao preduzeće koje upravlja javnim vodovodom odnosno javnom kanalizacijom.

adresa: Zvijezda 34, 71330 Vareš
identifikacijski broj: 4218285300002
depozitni račun Unicredit banka:
3380002210017420

tel.: 00387 32 848 100;
fax: 00387 32 848 150;
web: www.vares.info
e-mail: vares@bih.net.ba



Sredstva za realizaciju predmetne nabavke obezbjeđena su od strane Vlade Republike Hrvatske u skladu sa potpisanim Ugovorom o finansijskoj potpori za provedbu programa/projekta Izgradnja vodovoda Pogar, URBROJ:537-02-01/1-17-02, koji je zaključen dana 12.09.2017. godine u Zagrebu između Središnjeg državnog ureda za Hrvate izvan Republike Hrvatske i Općine Vareš.

Radi provođenja pregovaračkog postupka bez objave obavještenja, Rješenjem broj: 02-1388/17 od 09.11.2017. godine imenovana je Komisija.

Dana 14.11.2017. godine pozvani ponuđač, "Javno komunalno preduzeće" d.o.o. Vareš je dostavio konačnu ponudu zajedno sa traženim Izjavama koja glasi na ukupan iznos od 99.797,69 KM sa PDV-om. Nakon što je Komisija utvrdila da je ponuđač kvalifikovan sa istim je izvršeno pregovaranje o cijeni.

Razmatrajući pristiglu ponudu ponuđača "Javno komunalno preduzeće" d.o.o. Vareš, Komisije je u svom Zapisniku o pregledu i ocjeni ponude od 14.11.2017 godine, utvrdila sljedeće:

- da pristigla ponuda ponuđača u potpunosti odgovara uslovima iz poziva na pregovarački postupak za "Izvođenje radova na izgradnji vodovoda Pogar-II faza",
- da ponuda broj: 788-11/17 ("Javnog komunalno preduzeća" d.o.o. Vareš,) od 09.11.2017. godine, sadrži popunjen i ovjeren obrazac za cijenu ponude, te ovjerene izjave iz člana 45. i 52. Zakona o javnim nabavkama BiH („Službeni glasnik BiH,, broj: 39/14)

Analizom pristigle ponude ponuđača, Komisija za javne nabavke je utvrdila da je ponuđač u ponudi ponudio iste ili manje cijene po stavkama u odnosu na cijene koje su date u projektu.

Na osnovu utvrđenog stanja Komisija za javne nabavke je svojim Zapisnikom o pregledu i ocjeni ponude od 14.11.2017. godine dala preporuku Ugovornom organu da prihvati dostavljenu ponudu ponuđača "Javnog komunalnog preduzeća" d.o.o. Vareš.

Cijeneći navedeno, odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba u roku od deset (10) dana od dana prijema ove Odluke. Žalba se podnosi ovom ugovornom organu, shodno članu 99. i 101. Zakona o javnim nabavkama.

DOSTAVLJENO:

1 x Ponuđaču: "Javno komunalno preduzeće" d.o.o. Vareš.

1 x a/a.



OPĆINSKI NAČELNIK

Zdravko Marošević